

Youjyizgvanh: Gaeuqgeq Youh Hungmbwk

古老雄伟的友谊关

□ Vangz Sinhyungz sij/ingj

Ndwn gwnz laeuzgvn yawj baihnanz, ndawsim gamjsouh miz cienfanh.

Youjyizgvanh gou bae haujai baez gvaq, gamjsouh cix mbat mbouj doengz mbat, gij yiengh gij hoenz diegde, hawj vunz yinsieng laeglwd.

Youjyizgvanh dwg guet raeuz gouj aen gvan mizmingz ndawde aen ndeu. Baihsuix laeuzgvn dwg ciengzsingz Byacobjiz, baihgvaq dwg ciengzsingz Byayoufuj, lumjbaenz duz nuem hungloet ndeu nei hotlien song goengq byasang, heiqseiq hungloet gvangqlangh, dieg youq gih raeuz Bingzsiengz Si baihsaenamz, 322 roenguek gyaeujbyai de con gvaq dougungj Youjyizgvanh, caeuq goengloh Yeznanz doxciep, dwg diuzroen dieghawq youqgaenj doeng bae Yeznanz caeuq guetgya itloih baksok.

Youjyizgvanh dwg guet raeuz aen gvan youqgaenj henzguk baihnanz louz ndaej haemq ndei ndeu, ceiq caeux youq Ciuhan gizneix couh laeb aen' gvan lo, seiz Ciuhmingz, Ciuhcingh caepguh ndaej engq maenh, daengz seizneix gaengq miz 2000 lai bi lizsij. Gwnz lizsij gvanmingz caemh heuh miz haujai cungj gvaq, Ciuhmingz bisenhdwz (1428 nienz) cij gaj heuh Cinnanzgvanh; 1953 nienz gaj heuh Muznanzgvanh, 1965 nienz ginggvaq Gozvuyen baecin, cingqsik dingh gvanmingz guh "Youjyizgvanh".

Benz hwnj aen laeuzgvn Youjyizgvanh cunzyawj, gij lizsij gaeuqgeq youh hungmbwk de cix yap haeuj lwgda daeuj ndonj haeuj ndaw ukngviz bae. Youq gizneix, mwngz ndaej roxyiuj gij lizsij Cinnanzgvanh hoenxhingz, Cinnanzgvanh gijyi caeuq geiznding baek hwnj Cinnanzgvanh haenx, roxyiuj duenh seizgeiz Cungh Yez doxndei lumj beixnuengx haenx. Ndwn youq henz diuzbaengh laeuzgvn, yawj coh baihnanz, mwngz lumj ndaej yawjraen gyoengqbing Ciuhcingh youq cienglingj okmingz Yangz Yigoh, Suh Yenzcunh, Fungz Swjaiz daiqlingx lajde buekhoenx vunzdig bing Fazgoz haenx, lumjbaenz lij dingqny i gij sing hemq roemx sing bauqdoj sing doxfaeg doxyoek seizhaenx hap rwenz byonghmbwn caeuq ndaw lueg; ndaej yawjraen bi 1949 ndwen 12 ngoenz 11 banringzgvaq, mbaw geizbing betit Cunguek Yinminz Gaijfangginh baek hwnj le gwnz dingj laeuzgvn, ndaw gvaq Guengjsae daengz seizneix ndaej gaijfang liux. Vihliux ngoenz neix daeuj daengz, gyoengqlwg Cunghvaz minzczu bouxgonq roemx bouxlaeng riengz dwk dai bae diuz mingh dijbauj bonjfaenh, gij mingzcoh gyoengqde ciengxlwenx gaekgeiq youq gwnz laeuzgvn hungmbwk neix.

Laeuzgvn Youjyizgvanh youq ndaw daihbaug digozcuji ciemqhoenx ndawde deng doemqvaih song baez gvaq. 1957 nienz ciuq yiengq gaeuq de dauqlingh hwnjguh. Ginggih Youjyizgvanh baugvat laeuzgvn, ciengzsingz, bauqdaiz gwnz bya, Ciuhcingh satbyai Gvangjsih Cienzbien Duisinsuj (laeuz yienghranz Fazgoz) caeuq aenmoh fanh vunz Ciuhcingh daengj, menciz gunh miz 250 fanh bingzfanghmij. Moix bi miz 10 fanh vunzbaez bae yawjngonz. 2006 nienz, ndaej Gozvuyen dingh guh daengx guet cungdenj vwnzvuz baujhu danhvei.



▲ Laeuzgvn caen hungmbwk, yaenggaek riz lizsij.



▲ Aen laeuzgvn moq gvangq youh rongh, haeujok Dunghmungz lai fueng-bienh.



▲ Hek haeujok caemh lai, lijyouz gaicawx nyaengq.



▲ Hongkroq gwnz laeuz Youjyizgvanh, lwnhgangj lizsij yap ronghlweng.



▲ Bakbauq ciengxlwenx coh baihnanz, caeg'ep mbouj gamj caiq daeuj ciemq.



▲ Diegneix caen cix nyaengq, ngoenznaengz guenj okhaeuj.

◀ Aenlaeuz ei yienghranz Fazgoz, daz doh lizsij gyaenanz Youjyizgvanh.